



FONDACIJA
ZA IZDAVAŠTVO
SARAJEVO

Na osnovu člana 8. Statuta Fondacije za izdavaštvo V broj: 541/08, broj: 02-147/09 i 02-278/09 i u skladu sa čl. 9. i 10. Pravilnika o procedurama i kriterijima Fondacije za izdavaštvo broj: 02-323/08 i 02-11/10, Upravni odbor Fondacije za izdavaštvo, na 28. sjednici Upravnog odbora, donosi

POSLOVNIK
o radu žirija

Član 1.

Ovim Poslovnikom uređuju se prava i obaveze članova žirija za izbor najboljih rukopisa domaćih autora.

Član 2.

Žiri broji od tri do pet članova, biranih iz reda osoba sa priznatim književno-kritičkim kompetencijama.

Članovi žirija mogu biti i članovi Upravnog odbora Fondacije za izdavaštvo.

Članovi žirija ne mogu biti osobe koje učestvuju na Konkursu, kao ni osobe čiji najbliži srodnici učestvuju na Konkursu.

Član 3.

Predsjednika i članove žirija imenuje Upravni odbor Fondacije za izdavaštvo, uz saglasnost federalnog ministra kulture i sporta.

Član 4.

Žiri odlučuje u punom sastavu na sjednicama, a sjednice održava prema potrebi.

Sjednice žirija saziva predsjednik žirija.

Član 5.

Svaki član žirija dužan je pročitati sve prispjele rukopise koji zadovoljavaju uslove Konkursa.

Član 6.

Žiri je obavezan da izvrši izbor najboljih rukopisa koji će dobiti predviđene stimulacije/nagrade i o tome donese prijedlog odluke sa obrazloženjem.

U slučaju sukoba interesa proisteklog iz članstva u nekom tijelu ili organu, ili ličnim odnosom s nekom osobom ili institucijom, a u vezi sa predmetom rasprave i odlučivanja član žirija obavezan je obavjestiti ostale članove žirija. U slučaju sukoba interesa žiri ne može odlučivati o tom predmetu.

U izbor najboljih rukopisa ulaze oni rukopisi za koje glasa većina članova Žirija.

Broj izabranih rukopisa određuje se zavisno od kvaliteta rukopisa prispjelih na Konkurs i predviđenih sredstava za stimulacije/nagrade.

Član 7.

Prijedlog odluke žirija konačno verificira Upravni odbor Fondacije za izdavaštvo, nakon što ocijeni da je žiri radio u skladu sa Poslovníkom o svom radu.

Član 8.

Do objavljivanja rezultata Konkursa imena članova Žirija neće biti objavljena u javnosti.

Član 9.

Predsjednik i članovi žirija će za svoj rad primiti naknadu u skladu sa Pravilnikom o naknadama na poslovima Fondacije za izdavaštvo i odlukom Upravnog odbora.

Član 10.

Ovaj poslovnik stupa na snagu danom donošenja.

Broj: 02-27/10
Sarajevo, 4. 1. 2010. godine

PREDSJEDNIK
UPRAVNOG ODBORA

Mile Stojić